

Piujuartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 18-imi, 31. oktober 1996-imeersumi, ilaatigut Inatsisartut inatsisaatigut nr. 5, 21. maj 2002-mi allanngortinneqartumi, kingullermillu Inatsisartut inatsisaatigut nr. 18, 3. juni 2015-imeersukkut allanngortinneqartumi, § 10 b, § 23, imm. 1, § 33, imm. 2, § 33, imm. 3, § 33, imm. 4 aamma § 34 naapertorlugit aalajangersarneqarpoq:

§ 1. Nalunaarut Kalaallit Nunaata aalisarnikkut oqartussaaffigisaani aalisariutinut Kalaallit Nunaanni inuussutissarsiutigalugu aalisarnermi aalisariutinut Kalaallit Nunaanni nalunaarsorneqarsimasunut kiisalu aalisariutinut nunanit allaneersunut atuuppoq.

Imm. 2. Nalunaarut aamma Kalaallit Nunaata aalisarnikkut oqartussaaffigisaani inuussutissarsiutigalugu aalisarnermi aalisariutinut nunanit allaneersunut Kalaallit Nunaanni pisassiissutit atorlugit aalisartunut atuuppoq.

Nassuiaatit

§ 2. Nalunaarummi matumani "tunngaviusumik killeqarfiit" imatut paasineqassapput, killeqarfiit Kalaallit Nunaata imartaasa killeqarfii pillugit peqqussutikkut, kunngip peqqussutaatigut normu 1004-kkut, 15. oktober 2004-meersukkut allanngortinneqartukut aalajangersarneqartut.

Imm. 2. "Kalaallit Nunaata Kitaa" imatut paasineqassaaq, NAFO-p imartaata ilaa 1, Kalaallit Nunaata aalisarnikkut oqartussaaffigisaaniittoq. "Tunu" imatut paasineqassaaq ICES-ip imartaasa ilai II, V, XII aamma XIV, Kalaallit Nunaata aalisarnikkut oqartussaaffigisaaniittut.

Imm. 3. Nalunaarummi sumiiffiit pineqartut imartat assinginut Kalaallit Nunaannut atuuttunut iluarsiiissutitut allassimasutut WGS84 naapertorlugu nalunaarneqarput.

Imm. 4. Nalunaarummi matumani angallatip usitussutsimut killigitamik qaangiisimanermut ataassisimaneranulluunniit aalajangiisuussaaq usitussutsip angallatip uuttuutaanut uppersaammi (målebrev) allassimanera, uuttueriaatsit pillugit maleruagassat sorliit angissusaanut uuttuummik atulersitsinermut tunngaviliisuusimanersut apeqqutaatinagit.

§ 3. "Aalisakkanit igitat" imatut paasineqassapput pisanik tunisassiornermi sinnikut imaluunniit angallammi tunisassiunnginnermi passussinermiluunniit ajoquserneqartut.

Imm. 2. "Nigartaq arfinilinnik teqqequlik" imatut paasineqassaaq, ilanngussaaq II-mi takussutissiami 1-imi takutinneqartutut nigartaq, tassaasoq nigartat kipungasut assigiimmik takissusillit sisamat, taakkunani

nigartut isui imminut teqqorissuullutik, isuata aappaa qassutit takinerata tungaanut sammiveqatigalugu, soorlu ilanngussaq II takussutissami 2-mi takutinneqartoq.

Imm. 3. "Nigartaq kipparissoq" imatut paasineqassaaq, nigartaq kipparissoq, tassaasoq nigartaq kipungasoq takeqatigiit sammiveqatigiit marluk, aappaata qassutit takinerannut teqqorissuulluni.

Imm. 4. "Nigartaq T90" imatut paasineqassaaq nigartaq arfinilinnik teqqulik qassutiniq qilikkanik sanaaq, tak. ilanngussaq II-mi takussutissiaq 1, imatut ikkussorneqarsimasoq, qassutip sammivia T qassutip takineranut sammiveqartillugu.

§ 4. "Qassut qiligaq" imatut paasineqassaaq, nigartap tamakkiisumik siaarnerani nigartami ataatsimi qilernerit illuatungeriit marluk akornanni iluata akuttussusaa takinerpaaq, tak. ilanngussaq I.

Imm. 2. "Qassut qilerneqanngitsaq" imatut paasineqassaaq, nigartap takinerpaaffiani nigartap tamakkiisumik siaarnerani illuatungeriit marluk akornanni iluata tungaani akuttussusaa takinerpaaq, tak. ilanngussaq 1.

Imm. 3. "Aalisarnermi atortut immap naqqanut attuuttartut" imatut paasineqassapput, nalinginnaasumik aalisarnermut atatillugu immap naqqanut atuuttartut attuussinnaasulluunniit.

Imm. 4. "Aalisarnermi atortut uninngasut" imatut paasineqassapput aalisarnermi atortut suulluunniit, atorneqarneranni immakut kalinneqarnissaat pisariaqanngitsaq, tassunga ilanngullugit hildingsgarnit, indfiltringsnetit, toggegarnit, qassutit kivisittakkat, bundgarnit, ningittakkat, pullatillu.

Imm. 5. "Aalisarnermi atortut kalinneqarsinnaasut" imatut paasineqassapput, aalisarnermi atortut suulluunniit atorneqarneranni immakut kalinneqartariaqartut, pingaartumik atortut kalinneqarsinnaasut, atortut sanianiittut, qalorsuit, qalorsuit kaajallakkiartortitat atortullu kalinneqarsinnaasut assigisaat.

Imm. 6. "Aalisarnermi atortut" imaluunniit "vager" imatut paasineqassapput, amitsukujooq atortut sumiissusaannik nalunaaqutsiinermi atorneqartartoq puttaqutilik puttaquteqanngitsorluunniit, tak. ilanngussaq IV.

Nigartat uuttuutaasa minnerpaaffissaat

§ 5. Nalunaarummi matumani nigartaqqortussuseq najoqqutarineqartoq tassaavoq nigartap tamakkerluni iluatungimigut nerutussusiata uuttuutaa, taamaattorli saattussanut pullatit nigartat angissusiata uuttorneqassaaq nigartat affaannut uuttorlugit. Qalorsuarni nigartaqqortussuseq qalorsuit ilaannut tamanut atuuppoq. Nigartat sanerai sisamat tamarmik takeqqatigiilluinnartut sananeqaammik assigiimmik qilernernik sisamanik aalajangikkat kisimik atorneqarsinnaapput. Uanili pineqanngilaq ammassanniarneq tamatumani atorneqarsinnaammata, nigartat arfinilinnik takeqqatigiinnik sanerallit assigiimmik sananeqaatillit.

§ 6. Aalisakkanik imm. 2-miit 11-mut taaneqanngitsunik aalisarnermi nigartaqqortussutsimut 140 mm-it minnerpaaffissatut atuupput.

Imm. 2. Kinguppanniarnermi qaluni nigartaqqortussutsimut 40 mm-it minnerpaaffissatut atuupput.

Imm. 3. Eqalukkanik, putooruttunik, ammassannik, qaleraqanngitsunillu aalisarnermi qassutini nigartaqqortussutsimut 16 mm-it minnerpaaffissatut atuupput.

Imm. 4. Ammassassuarnik makrelinillu aalisarnermi qassutini nigartaqqortussutsimut 32 mm-it minnerpaaffissatut atuupput.

Imm. 5. Saarullernanik aalisarnermi qassutini nigartaqqortussutsimut 35 mm-it minnerpaaffissatut atuupput.

Imm. 6. Pullasorsorluni saattuarniarnermi nigartaqqortussutsimut 70 mm-it nigartat affaannut uuttorlugit minnerpaaffissatut atuupput.

Imm. 7. Qassusersorluni arnarlunniarnermi qassutini nigartaqqortussutsimut 260 mm-it minnerpaaffissatut atuupput.

Imm. 8. Qalorsuarnik ikerinnarsiutinik suluppaagarniarnermi qaluni nigartaqqortussutsimut 100 mm-it minnerpaaffissatut atuupput. Taamaattoq takuuk § 8, imm. 8.

Imm. 9. Qassusersorluni eqalunniarnermi qassutini nigartaqqortussutsimut 100 mm-it minnerpaaffissatut atuupput.

Imm. 10. Qassusersorluni qaleralinniarni qassutini nigartaqqortussutsimut 190 mm-it minnerpaaffissatut atuupput.

Imm. 11. Qassusersorluni saarullinniarni qassutini nigartaqqortussutsimut 160 mm-it minnerpaaffissatut atuupput.

Imm. 12. Qalorsuarsuit atorlugit qaleralinniarni qalorsuit taliisa ataatingai 100 mm-inik nigartaqqortussuseqassapput. Qalorsuit sinneri 140 mm-inik nigartaqqortussuseqassapput.

Imm. 13. Aalisarnermi atortut imm. 2-miit 12-imut naapertorlugit atorneqartunit nigartakinnerusut angallammiitinneqassanngillat qajannaarlugit aalajangerneqarsimanngikkunik imatullu qajannaarlugit qilorsorneqarsimanngikkunik imaaliiallaannaq tigullugit atorneqarsinnaajunnaarlugit.

Nigartaqqortussutsit uuttorneqartarnerat

§ 7. Qassutini nigartaqqortussutsit nalunaarummut matumunnga ilanngussami 1-imi allassimasutut aalajangersarneqarput.

Atortut qassutinut/qalorsuarnut aalajangikkat

§ 8. Raajarniarnermi immikkoortiterissutit atorneqassapput annerpaamillu paakkarutai 22 mm-inik akuttussusillit. Immikkoortiterissutit aalajangersimasumik iluseqassapput sananeqaataallu allannguajaatsuussalluni, aamma ima ikkunneqassallutik aalisakkanik saniatigut pisanik sapinngisamik pitsaanerpaamik immikkoortiterisoqarsinnaanngorlugit. Immikkoortiterissutini paakkarutit akuttussusissaat nalunaarummut matumunnga ilanngussami taaneqartutut aalajangersarneqarput.

Imm. 2. Nigartaqqortussutsit pillugit § 6-imi aalajangersakkat apeqqutaatinnagit atortulersuutit imm. 5-miit 7-mut taaneqartut qalorsuit qulaatungaannut taamatuttaaq ataatungaannut ikkunneqarsinnaapput nungullarsaaneq annikillilerniarlugu imaluunniit qalorsuit ninngunerulersinniarlugit.

Imm. 3. Raajanut qalorsuit assakaasorsuini nikittartunik minnerpaamik 72 cm-inik kalunnernik nivinngaavilinnik ikkussiffigineqarsimassapput. Assakaasorsuit aalajangikkat inerteqqutaapput.

Imm. 4. Raajanut qalorsuarnut atatillugu bobbins-inik atuineq inerteqqutaavoq. Taamaattoq ajornartitaanngilaq qalorsuit ammanerisa saneraanni assakaasorsuarnik nikerarsinnaasunik sisannillu ujarattalinnik (stålbobbin) atuineramik aallarniinissaq naggasiinissarlu, soorluttaaq ajornartitaanngitsoq assakaasorsuit akornini takissutsini tamani ujarattamik sisammik (stålbobbin) ataatsimik ikkussisarnissaq. Ujarattat sisaat ikkutut qitermikkut sanimut napillugit silissutsimikkut uuttuutaat assakaasorsuit ikkutut

diameterii assigissavaat. Affarmik ulamertat gummimik sanaat siakkilinu svirvilinullu illersuutit ator neqarsinnaapput.

Imm. 5. Atortup affaata tunuata tungaani qalussianik qajannaallisaatinik (aqajaru silarlermi) ataasiinnavinnik ikkussisoqarsinnaavoq. Qalussiat qajannaallisaatit nigartaat minnerpaamik (aqajaruani ilorliup) nigartaannit marloriaammik annertussuseqassapput. Qalussiat qajannaallisaatit kaajallallugit nigartussusiat aqajaruata ilorliup kaajallallugu nigartussusianit annerussaaq.

Imm. 6. Atortut suugaluartulluunniit (tingerlaatissiaq, allungiartorfissiat, qalussiat) qalorsuit ataannut affaani kingullermi nungullarnaveeqqutitut ator neqarsinnaapput. Nungullarnaveeqqutit sukkulluunniit qalorsuit kaajallallugit 50%-iat sinnerlugu qallersimassanngilaat.

Imm. 7. Pitsa nerusumik saniatigut pisaqannginnissaq siunertarlugu qalorsuillu aqajaru isa qaartuunnginnissaat pinaveersaartinniarlugu qassutit ikkussat issoqqaarissunik nigartallit aalisarnermi pineqartumi minnerpaamik nigartaqqortussusiisa assinginik nigartallit, tak. § 6, ator neqarsinnaapput qassutit.

Imm. 8. Qalorsuarnik saarullinniarnermi aalisakkanillunniit assigisaannik aalisarnermi saniatigullu pisaqannginnissaq anguniarlugu aalisakkallu mikivallaat immikkoortiterniarlugit nigartat T90 aalisarnermi pineqartumi minnerpaamik nigartaqqortussusiisa assinginik nigartallit, tak. § 6, ator neqarsinnaapput T90- ini qassutit ikkussat imatut ikkunneqassapput qalorsuit sinnerini saniatigut pisaqarsinnaaner at annikillisinnagu.

Imm. 9. Qalorsuarnik ikerinnarsiutinik suluppaagarniarnermi rundstroppit qajannaallisaatitut qalorsuit ilaannut ator neqarpata taakkua qalorsuit kaajallallugit annerpaamik 40%-ianit naannerunngitsut ator neqarsinnaapput (uuttuut: nigartat amerlassusii nigartussutsimik amerlisarlugu). Rundstroppit taamaattut akornanni akuttussuseq minnerpaamik 1 meteriussaaq. Rundstroppit taamatullu qalussiat qajannaallisaatit (aqajaru qalleq) ataatsikkut ator neqarpata rundstroppit aqajaru anut ilorlermut taamaallaat ikkuteqqasarsinnaapput. Rundstroppit qajannaallisaatitut qalorsuit ilaannut ator neqartut qalorsuit kaajallallugit 60 %-ianit naannerit ator neqartillugit nigartaqqortussutsimut 140 mm-inik minnerpaaffeqarnissaat piumasaqaataavoq.

Imm. 10. Atortussat imm. 5-miit 9-mut taaneqanngitsut ator neqaqqusaanngillat.

3 sømilit iluanni aalisarnissamut inerteqqutit

§ 9. Imartami sinerissap aamma tunngaviusumik titarnerit avataanni 3 sømilinik avasinnerusup akornanniittuni inerteqqutit makku atuupput:

- 1) Uiluinniarluni aalisarneq eqqaassanngikkaanni angallatinut angallatip uuttuutaanut uppersaata naapertorlugu 75 BRT/BT 120-mik angissusillit anginerusulluunniit atorlugit aalisarneq inerteqqutaavoq.
- 2) Taamaattoq nr. 1-imi kujataani Kap Farvelip avannaanilu Kap Møstingip akornanni imartami (63°37'N) tamaani tunngaviusumik titarneq tikillugu aalisartoqarsinnaalluni. Imartami 61°49,6'N-p aamma 62°51,9'N-p akornanni (Timmiarmiut eqqaanni kangerliumaner mi) aammattaaq tunngaviusumik titarnerup iluani aalisartoqarsinnaavoq.
- 3) Ungusiniutit qalorsuilluunniit atorlugit saarullinniarneq, suluppaagarniarneq, nataarnarniarneq, qalerallinniarneq qeerarniarnerlu angallatinut tamanut inerteqqutaavoq.

Imm. 2. Aalisarnermut Piniarnermut Nunalerinermullu Naalakkersuisoq imm. 1, nr. 1-imi aalajangersakkat saneqqunneqarnissaannut akuersissuteqarsinnaavoq sinerissami imartanut angallatinik

mikinerusunik aalisarfiunngitsunut aamma anginerusunik angallateqarluni aalisarnej tamaani sinerissamut qanittumi aalisarnerup ineriartortinneqarneranut ajoqutaasinnaassanngippat.

Sumiiffinni aalajangersimasuni aalisaqqusaannginneq

§ 10. Sumiiffinni ukunani aalisarnermi atorlut immap naqqanut attuuttartut atorlugit aalisarnej inerteqqutaavoq:

- 1) Kalaallit Nunaata kitaata kujataani 64° 10' N aamma 65° 15' N aamma sinerissamit tunngaviusumik killeqarfimmit 3 sømilimik avasinnerup akornanni.
- 2) Kalaallit Nunaata kitaata kujataani titarnernit 60° 22,9 N aamma 48° 25,5 V, 60° 22,1 N aamma 48° 24,9 V, 60° 21,3 N aamma 48° 25,9 V, 60° 22,1 N aamma 48° 29,6 V killilikani.

Imm. 2. Imm. 1-imi inerteqqut atorlut kalinnermi atornejarnej ajortut nunamut aalajangikkat atorlugit aalisarnermut atuutinngilaq.

Sumiiffinni nutaani immap naqqanut tuttartunik atortoqarluni aalisarnej

§ 11. Kitaani sumiiffiup 74° N-p avannaani aamma 64° V-p kitaani aammalu Tunumi imartami avannarpasissutsip 71° N-p avannaani immap naqqanut tuttartunik atortoqarluni aalisarnej tamarmi sumiiffinni nutaani aalisarnertut isigineqassaaq.

Imm. 2. Imm. 1 naapertorlugu sumiiffinni nutaani aalisarnermi immap naqqani uumasunik naammattumik ilisimasalimmik nakkutillisoqarnissaanik KANUAANA peqqusisinnaavoq.

Korallinik aamma immap pupiini pisat

§ 12. Korallinik uumasunik 60 kg.-nit amerlanerusunik aamma/imaluunniit immap pupiini uumasunik 300 kg.-nit amerlanerusunik pisaqartoqassagalarpat Kalaallit Nunaanni Aalisarsinnaanermut Akuersissutini Nakkutillisoqarfimmut nalunaarutiginnittoqassaaq, aamma aalisarnej unitsinneqassaaq taavalu kingullermik sumiissutsimit qalorsuarnik kalinnerup sammivianit minnerpaamik 2 sømilinit ungasissusilimmi aalisarnej nuunneqassaaq, korallinik aamma immap pupiini pisaqarnissamut minnerpaamik ilimaginngisamut.

Sumiiffinnik immap naqqanut tuttartunik atortoqarluni aalisarfiusunik matusineq

§ 13. Korallinik aamma pupinnik uumasunik pisaqartarsimanermik paasisat tunngavigalugit Aalisarnermut, Piniarnermut Nunalerinermullu Naalakkersuisup nalilissavaa sumiiffik aalajangersimasoq imaani uumasogatigiinnik mianernartunik uumaffiusutut isigineqassanersoq. Aalisarnermut, Piniarnermut Nunalerinermullu Naalakkersuisup aalangiussinnaavaa sumiiffiit imaani uumasogatigiinnik mianernartunik uumaffiusutut isigineqartut immap naqqatigut kilisaffigineqarnissaannut imaluunniit immap naqqanut attuuttartunik allanik atortoqarluni aalisarfigineqarnissaannut matusallugit.

Imm. 2. Tamanna pillugu tusagassiuutitigut, sumiiffimmi umiarsuarnut e-mailikkut aammalu kalaallit angallataannut angallatit pineqartut aalisariutaatileqatigiiffii aqutugalugit e-mailikkut nalunaarutigineqartassapput. Angallatinut nunani EU-mi ilaasortaasuni nalunaarsorneqarsimasunut

nalunaarut EU-kommissionimut, kalaallillu angallatiginngisaannut allanut nunat ataasiakkaat aalisarnermik oqartussaasuinut nassiunneqassaaq.

Aalisariaatsit ilaannik atuinissamik inerteqquteqarneq

§ 14. Qaartiterutissat, toqunartut imaluunniit ilisimajunaartitsissutaasinnaasut kiisalu aallaasit aalisarnermi atoqqusaanngillat. Qupinnguallatsitsisarluni aalisartoqaqqusaanngilaq immikkut ittumik akuersissuteqartoqartinnagu.

Imm. 2. Qassutit kivisittakkat, qassutillu allat (hildingsgarn aamma toggergarn)-nik taagorneqartut, tungaviumik titarnernit killeqarfinnit 3 sømilit avataanni sumiiffinni immap itissusianit 200 meterinit itinerusuniittuni aalisarnerni atorineqassanngillat. Qassutit kivisittakkat qassutillu allat (hildingsgarn aamma toggergarn)-nik taagorneqartut annaaneqartut qassusertunit namminernit qaqinneqassapput.

Imm. 3. Kitaani 64°30'N aamma 68°N akornanni qalorsuarsorluni qaleralinniarneq inerteqqutaavoq.

Imm. 4. Qassutit tissukartittakkat atorineqarnissaat inerteqqutaavoq.

§ 15. Angallatit 75 BRT/120 BT anginerusulluunniit atorlugit inuussutissarsiufigalugu saattuarniarnermi, aalisarnermi ataatsimi pullatit kalunnernik atassusikkat amerlanerpaamik 100-rujuusapput.

Imm. 2. Angallatit 75 BRT/120 BT-imik mikinerusut atorlugit inuussutissarsiufigalugu saattuarniarnermi, aalisarnermi ataatsimi pullatit kalunnernik atassusikkat amerlanerpaamik 50-iusapput.

Imm. 3. Pullatit kalunnernik atassuserneqassapput.

Atortut aalajangersimasut atorineqarnissaannik inerteqquteqarneq

§ 16. Atortut angallammit aqunneqarsinnaasut atorineqarnissaat inerteqqutaavoq.

Imm. 2. Qalorsuarsorluni raajarniarnermi aalisakkat ilaannik igitsinissamut inerteqquteqarnermit immikkut akuersisoqarsimatillugu, saniatigut pisaasinnaasut suuneri amerlassusaallu naatsorneqassapput, igitsinnginnermilu logbogimut nalunaarsorneqassallutik.

Imm. 3. Bingetankinit kuuffit annerpaamik 10 mm-inik akunneqartillugit imaluunniit 15 mm-inik diameterinik putoqartillugit ungalulinnik aalajangerlugit svejsikkanik ristilernerneqassapput.

Imm. 4. Angallammi imermik immikkoortiterummi ungalut akuttussusiat annerpaamik 10 mm-iussaaq. Ungalut aalajangerlugit svejserneqassapput. Imermik immikkoortiterummi putut atorineqarpata, diameteriat annerpaamik 10 mm-eriussaaq. Imermik immikkoortiterutini sliskini putut annerpaamik 15 mm-erinek diameterneqassapput.

Imm. 5. Pisat angissusaannik angallammi immikkoortiterinermut atortut inerteqqutaapput.

§ 17. § 16, imm. 5-imi inerteqquteqarneq angallatinut pisaqareernerup kinguinngua pisanik qerititerisartunut atuutinngilaq. Pisat angissusaat malillugit immikkoortiterneqariarpata qeritinneqassapput.

Imm. 2. Aserorterivimmik pisanik tuggaasinnaasumik sequtserisinnaasumilluunniit atuinissaaq inerteqqutaavoq. Angallatit aalisakkanit qajuusaasianik tunisassiorsinnaasut, tankip uninngatitsiviup aalisakkanillu qajuusaasiorfiup akornanni ikkutaammik aserorterummik atuisinnaapput.

Imm. 3. Aalisakkat igitassat angallammi tunisassiornermeersut kisimik aalisakkanit qajuusaasiatut tunisassiarineqarsinaapput.

Aalisarnermut atortunik nalunaaqutsersuineq

§ 18. Aalisarnermut atortut piginittup aqqanik aamma najugaanik imaluunniit angallatip aqqanik aamma umiarsualiviup ilisarnaataatut naqinnernik nalunaaqutserneqarsimassapput. Nalunaaqutsiussat imermit arrortinneqarsinnaassanngillat. Qassutini kivisittakkani nalunaaqutsiussat qimiaanut aalajangerneqassapput. Ningittakkanut nalunaaqutsiussat ningittakkanut namminernut aalajangerneqassapput. Qalorsuarnut nalunaaqutsiussat qimiarsuarmut qullermut aalajangerneqassapput. Uiluinniutini saattuarniutinilu nalunaaqutsiussat sinaakkutaannut qullernut aalajangerneqassapput. Aalisarnermut atortuni uninngasunit puttaqutit nalunaaqutsersuutit atorneqarsimasut taamatuttaaq nalunaaqutsersimassapput.

Imm. 2. Kalaallit Nunaata aalisarnikkut oqartussaaffigisaani tunngaviusumik killeqarfimmiit 3 sòmiliip iluani aalisarnermi, aalisarnermi atortut uninngasut ilanngussaq III-imi aalajangersarneqartutut ninginneqassapput nalunaaqutserneqarlutillu.

Imm. 3. Kalaallit Nunaata aalisarnikkut oqartussaaffigisaani tunngaviusumik killeqarfimmiit 3 sòmiliip iluani aalisarnermi, aalisarnermi atortut uninngasut ilanngussaq IV-imi aalajangersarneqartutut ninginneqassapput nalunaaqutserneqarlutillu.

Aalisarnermi atortut annaasat qimatallu

§ 19. Angallatit aalisarnermi atortunik annaasanik qaqitsinermut atorneqarsinnaasunik nassartassapput.

Imm. 2. Angallatip aalisarnermi atortunik aalisarnermiluunniit atortut ilaannik annaasaqartup naalagaa atortunik sapinngisamik sukkanerpaamik qaqitsiniassaaq.

Imm. 3. Taamaallaat isumannaallisaanermik pissuteqarluni aalisarnermi atortut immap naqqaniittut qimanneqarsinnaapput.

§ 20. Aalisarnermi atortut qaqinneqarsinnaanngippata angallatip naalagaata 24 tiimit iluanni Kalaallit Nunaanni Aalisarsinnaanermik Akuersissutininik Nakkutilliisoqarfik nalunaarfigissavaa, ukuninngalu paasissutissiissalluni:

- 1) Angallatip aqqa radiukkullu ilisarnaataa.
- 2) Aalisarnermi atortut annaaneqartut suussusaat.
- 3) Aalisarnermi atortut annaaneqartut amerlassusaat annertussusaalluunniit.
- 4) Piffissaq annaasaqarfusoq (ulloq nalunaaqutarlu).
- 5) Sumiiffik atortunik annaasaqarfusoq.
- 6) Atortut qaqinniarlugit iliuuserineqartut.

Imm. 2. Atortut atortulluunniit ilaasa qaqinnerat iluatsippat, qaqitsinerup kingorna kingusinnerpaamik 24 tiimit qaangiunneranni Kalaallit Nunaanni Aalisarsinnaanermik Akuersissutininik Nakkutilliisoqarfik ukuninga nalunaarfigineqassaaq:

- 1) Angallatip atortunik qaqitsisup aqqa radiukkullu ilisarnaataa.
- 2) Angallatip atortunik annaasaqartup aqqa radiukkullu ilisarnaataa.

- 3) Atortut qaqinneqartut suuneri.
- 4) Atortut qaqinneqartut amerlassusaat annertussusaalluunniit.
- 5) Piffissaq atortut qaqinneqarfiat (ulloq nalunaaqutarlu).
- 6) Sumiiffik atortunik qaqitsiviusoq.

Imm. 3. Aalisarnermi atortunik annaasaqarnermi aalisarnermik nakkutilliisoqarfiup naalagaaffik sinerialik imaluunniit Nunarsuup Immikkoortuani Aqutsineri Suleqatigiiffik nalunaarfigisinnaavai.

Imm. 4. Tunngaviusumik killeqarfimmit 3 sm iluani atortut annaasat, annaasaqarfimmi kommunimut nalunaarutigineqassapput.

Pineqaatissiissutit

§ 21. Nalunaarummi aalajangersakkanik § 6, § 8, § 9, § 10 imm. 1 aamma imm. 2, § 11, imm. 2, § 12, § 13, imm. 1, § 14, § 15, § 16, § 17, § 18, imm. 1, 2 aamma 3, § 19, og § 20 unioqqutitsineq pillaammik akiliisitsineri kinguneqarsinnaavoq.

Imm. 2. Aktieselskabi, anpartsselskabi, andelsselskabi imaluunniit piginneqatigiilluni aalisariutaatileqatigiiffik (partrederi) unioqqutitsisuuppat, suliffeqarfik pillaammik akiliisinneqarsinnaavoq.

Imm. 3. Angallammit unioqqutitsilluni aalisarnermi aalisarnermi atortut, angallatip pisaanik tamanik taakkualuunniit nalinginik arsaarinnittoqarsinnaavoq, kisiannili pisat unioqqutitsinani aalisarnermeernerannik uppersarnerneqartut pinnagit.

Imm. 4. Pillaammik akiliutit nunap karsianut akiliutigineqartassapput.

Atuutilersitsineq

§ 22. Nalunaarut ulloq 31. marts 2017 atuutilersinneqarpoq.

Imm. 2. Tassunga peqatigitillugu Piujuartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 12, 17. november 2011-meersoq atorunnaarsinneqarpoq.

Kalaallit Nunaanni Namminersorlutik Oqartussat, ulloq 30. marts 2017.

Hans Enoksen

/

Jørgen Isak Olsen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut